

## **UW–Madison txais tos cov mejiyig rov tuaj rau hauv tsev kawm ntawv raws li caij teem rau lub caij ntuj tsaug, nrog ntau yam pauv**

University of Wisconsin–Madison npaj pib cov hoob kawm ntawv caij ntuj tsaug rau lub Cuaj Hli xiab 2 thiab muaj qhia ntawv tim ntsej tim muag txog thaum caij so *Thanksgiving*. Kev yuav muaj cov hoob ntau thiab siv kev qhia li cas nyob ntawm ceg ntawd, nrog cov *deans* ntawm lawv ceg qhia ntawv xyuas. Qhov no muaj kev npaj hoob qhia ntawv ntawd rau cov mejiyig rov tuaj tsis tau rau hauv tebchaws Asmeskas kawm tim ntsej tim muag tib si.

Tom qab *Thanksgiving*, UW–Madison yuav hloov tag nrho cov hoob qhia ntawv rau cuaj hnuv kawg ntxiv rau cov ntawv xeem mus rau online. Qhov no los ntawm qhov tias yuav muaj coob tus mejiyig tawm mus thiab rov los rau hauv Madison lub caij so rau *Thanksgiving* uas yuav muaj kev puam sij ntau ntxiv txog tus kab mob COVID-19 kis rau hauv tsev kawm ntawv.

Rau tswj kev noj qab haus huv ntawm ib tsoom, tsev kawm ntawv yuav pauv ntau yam kev khiav haujlwm raws kev xyuas ua raws kom pej xeem muaj kev noj qab haus huv. Tus qauv no, hu ua [“Smart Restart,”](#) muaj tsev kawm ntawv tus qauv xyuas ua raws txog kev qhia ntawv, kev noj qab haus huv thiab kev nyabxees, tsev thiab chaw noj mov nyob kawm ntawv, thiab lwm yam. Cov qauv tseem pauv tas li raws kev txiav txim thiab ho muaj ntaub ntawv tshiab. Thaum peb paub txog dabtsis ntxiv, yuav muab qhia rau sawv daws. Tseeb tiag, yuav muaj kev qhia ntxiv rau cov mejiyig nyob rau qib *graduate, professional* thiab tuaj txawv tebchaws tuaj.

“Kuv zoo siab heev rau qhov txhua tus ntawm ib tsoom hauv tsev kawm ntawv los sib koom daws qhov teeb meem kub ceev heev ntawm tus kab mob COVID-19. Tam sim no yog lub caij npaj rov qhib rau lub caij ntuj tsaug,” *Chancellor* Rebecca Blank hais. “Rau peb cov mejiyig thiab lawv tsev neeg, ua tsaug rau qhov nej ua siab ntev thiab to taub. Rau peb cov xibfwb thiab neeg ua haujlwm, ua tsaug rau qhov nej sib zog ua haujlwm thiab pauv tau yooj yim rau lub caij ntuj tshiab muaj hloov ntau. Txawm tias xyoo kawm ntawv yuav los no yuav txawv, peb yuav ua txhua yam xyuas kom peb cov mejiyig muaj kev koom thiab kawm tau zoo, nrog rau qhov ua kom muaj tus kab mob kis tsawg li tsawg tau.”

### **Kev Noj Qab Haus Huv thiab Kev Nyabxees**

Tsev kawm ntawv sib zog xyuas txog qhov kev puam sij ntawm tus kab mob COVID-19 kom muaj tsawg li tsawg tau rau nws cov mejiyig, xibfwb thiab neeg ua haujlwm. UW–Madison qhov kev npaj yog yuav kom muaj kev sim saib puas muaj tus kab mob, tu, npog qhov ncauj qhov ntswg, thiab ntsuam cov cim ntawm tus kab mob, tag nrho yog tswj kom qhov kev puam sij ntawm tus kab mob qis li qis tau.

Sim saib puas muaj tus kab mob yog qhov tseem ceeb qhia puas muaj neeg mob thiab tswj kom txhob kis. UW yuav siv tus qauv sim muaj peb ncuu:

- Hauv tsev kawm ntawv, yuav muaj cov chaw cia li mus kiag rau ntawd sim rau ib tsoom hauv tsev kawm ntawv. Mus tsawg zaus los tau thiab dawb.
- Cia li sim ib co neeg yuav pab muab tau tus kab mob hauv tsev kawm ntawv, xws li cov tsis muaj cov cim tus kab mob. Cov tej pawg yeem li 10 leej yuav hloov mus sim tas li, txog li 2,000 tus neeg sim txhua asthiv. Qhov no yuav pab peb nrhiav tau qhov teeb meem ceev thiab txheeb tej pawg neeg uas yuav ntxim kis tau.
- Tsom sim tej pawg neeg uas lawv txog haujlwm txawv. Piv txwv, cov mejiyig thiab neeg ua haujlwm hauv cov tsev nyob kawm ntawv yuav raug sim tas li. (Cov neeg nyob ntawm cov University Apartments yuav tsis nkag rau qhov no.)

Tsev kawm ntawv yuav siv qhov kev qhia txheeb leej twg tau nyob ze (*contact tracers trained*) nrog rau *Public Health Madison & Dane County*. Yuav muaj cov chav nyob uas nws muaj nws chav tsev dej rau cov mejiyig nyob hauv tsev kawm ntawv uas sim muaj tus kab mob los tau nyob ze ib tug muaj tus kab mob thiab lawv yuav tau cais lawv tus kheej.

Sim saib puas muaj tus kab mob, uas tseem ceeb, yog ib qho pab tau zoo thaum siv nrog plaub qho kev ceev faj tiv thaiv no: npoj qhov ncauj qhov ntswg, nyob sib nrug deb, ntxuav tes, thiab ntsuam cov cim mob.

- Yuav kom txhua tus hauv tsev kawm ntawv yuav tsum npog qhov ncauj qhov ntswg rau txhua thaj chaw muaj neeg coob hauv tsev, xws li cov hoob qhia ntawv, thiab sab nraum zoov thaum nyob sib nrug tsis tau. Yuav muaj kev pab rau cov npog tsis tau vim muaj tej yam mob.
- Yuav kom nyob sib nrug kom deb tag nrho hauv cov hoob qhia ntawv thiab tej qhov muaj neeg coob tas li thiab ntawm cov chaw ua haujlwm thaum ua tau.
- Yuav muaj kev ua raws tshiab rau cov chav siv hauv tsev kawm ntawv. Yuav muaj khoom tu rau cov mejiyig so tej rooj sau ntawv thiab zaum ua ntej siv thiab yuav kom cov neeg ua haujlwm so lawv qhov chaw ua haujlwm.
- Cov laj mej ntawm ib tsoom hauv tsev kawm ntawv yuav tau ntsuam lawv tus kheej txog tus kab mob COVID-19 txhua hnuv thiab, yog muaj cov cim mob, mus sim thiab cais tus kheej tam sim. Yuav muaj caij qhia txog tus kab mob COVID-19.

Tswj kev noj qab haus huv rau ib tsoom hauv tsev kawm ntawv yog kev sib koom ntawm txhua tus. Yuav kom cov mejiyig, xibfwb, thiab neeg ua haujlwm rau lub caij kawm ntawv 2020-21 yuav tsum ua raws li cov kev qhia ua tiv thaiv lawv kev noj qab haus huv thiab, tseem ceeb tshaj, yog tiv thaiv lwm tus kev noj qab haus huv hauv tsev kawm ntawv.

### **Ke Qhia Ntawv**

UW–Madison yuav qhib txhua yam rau lub caij ntuj tsaug, muaj kev qhia ntawv txhua yam uas qhia tim ntsej tim muag thiab nyob online. Txawm peb vam tias cov mejiyig feem coob yuav tuaj

rau hauv Madison, peb paub tias ib co yuav tuaj tsis tau kiag rau hauv tsev kawm ntawv. Peb kuj muaj kev npaj rau lawv tib yam li cov yuav tuaj tau kiag rau hauv tsev kawm ntawv.

Rau tswj kom muaj kev puam sij tsawg rau cov mejiyig, neeg ua haujlwm thiab xibfwb, tsev kawm ntawv yuav siv kev nyob sib nruq deb hauv cov hoob kawm thiab npog qhov ncauj qhov ntswg (ntxiv rau sim saib puas mob tus kab mob, taug qab saib twg tau nyob ze thiab ntsuam cov cim mob). Yuav kom cov mejiyig tuaj rau hauv tsev kawm ntawv yuav tsum muaj lawv daim npog qhov ncauj qhov ntswg; tsev kawm ntawv yuav muab ib daim ntxiv npaj. Cov hoob kawm tuaj kiag rau hauv yuav tsum ua raws li kev kom nyob sib nruq thiab yuav kom cov mejiyig npog qhov ncauj qhov ntswg thaum nyob hauv hoob. Ntxiv, tsev kawm ntawv yuav muaj khoom tsuag so nyob txhua hoob rau cov mejiyig siv ua ntej zaum ntawm ib lub rooj sau ntawv los rooj zaum. Txhua hoob yuav muaj tshuaj pleev tes tua kab mob (*hand sanitizer*).

Kom nyob tau sib nruq deb, cov hoob muaj tsawg tshaj 50 tus mejiyig yuav muaj rau cov hoob qhia ntawv loj. Tabsis, yuav ua tsis tau li no rau cov hoob muaj tshaj 100 tus mejiyig los rau ntau hoob uas muaj 50 txog 100 leej. Cov hoob no yuav muaj nyob ib qho qhia, nrog rau ua txhua yam kom muaj cov hoob me/neeg tsawg tuaj sib ntsib sib tham tim ntsej tim muag rau cov mejiyig tuaj tau. Vim peb muaj tsawg hoob cov neeg coob, cov pauv no thwm tias muaj tsawg hoob khoom rau cov tuaj kawm kiag tim ntsej tim muag. Qhov kawg, peb yuav tau tso ib cov hoob kawm no rau thaum yav tsaus ntuj los rau hnuv Zwj Cag (*Saturday*).

Yuav tsis kom tus mejiyig yuav tsum tuaj kawm kiag hauv tsev kawm ntawv. Tsev kawm ntawv yuav xyuas kom muaj cov hoob kawm rau txhua yam rau cov tseem kawm rau plaub xyoos kom nyob ib qho kawm tau, thiab yuav xyuas kom txhob muaj tej qhov yuav tshuam tus mejiyig kev kawm tau zoo. Tsev kawm ntawv siv nyiaj ntau heev yuav tej twj *technology* ntxiv thiab muaj kev cob qhia kom cov hoob nyob online qhia tau zoo.

Yuav ua txhua yam xyuas cov kev kawm rau cov nyob qib *graduate* thiab *professional*. Tabsis, ib co kev kawm rau txoj haujlwm (*curriculum in some professional*) yuav kom xyaum ua kiag uas yuav pauv tsis tau nyob ib qho qhia. Cuab zog kom cov mejiyig nrog lawv cov *program coordinators* tham txog tej kev txhawj lawv muaj.

Nqi ntawv thiab lwm yam nqi yuav yog tib yam txawm tuaj kiag rau hauv tsev kawm ntawv, nyob ib qho kawm, los ob qho sib txuam.

Tag nrho cov mejiyig uas twb tso npe rau cov hoob thaum lub caij ntuj tsaug yuav tau txais kev qhia ntxiv rau lub Xya Hli yuav tas txog cov caij pauv rau lub caij ntuj tsaug. Tej zaum cov caij, hnuv, chaw, thiab kev qhia (tim ntsej tim muag los nyob ib qho qhia) yuav muaj hloov lawm. Cov mejiyig muaj caij, yog xav, pauv ntxiv tom qab lawv xyuas cov caij tshiab, yog muaj hoob khoom.

Vim kom muaj tej pawg tsawg kawm ua ke tseem ceeb rau cov mejiyig tuaj tshiab, tsev kawm ntawv yuav muaj ntau yam hoob kawm uas coob tus yog cov mejiyig thawj xyoo (*First-Year Interest Groups*, hu ua *FIGS*) nyiam kawm, kom muaj kawm tim ntsej tim muag thiab nyob ib

qho kawm tau yog tuaj tsis tau rau hauv tsev kawm ntawv. Tej pawg ntawm UW cov hoob txawv no sib tiv ua ke kawm txog tej yam, xws li txog ib puag ncig los kev ua noj ua haus los kev ua nomtswv hauv ntiaj teb (*environment or food cultures or global politics*). Yuav muaj [qhia txog li 60 FIGs rau lub caij ntuj tsaug no](#).

Nws kuj yuav muaj ob hoob txog [“Wisconsin Experience”](#), uas yog cov xibfwb qhia tau zoo tshaj nyob ib qho qhia, tabsis muaj cov pawg me tuaj tim ntsej tim muag thiab nyob ib qho sib tham. Ib hoob, *“Forward: Pandemic, Resilience and the Wisconsin Idea,”* yuav tsom txog tus kab mob kis thoob ntiaj teb tshuam kev kuaj mob, kev lag luam, thiab kev ntsib phooj ywg li cas. Lwm hoob, *“Purposeful Action: Parkland, Protest and You,”* yuav tsom txog kev puas ntsoog tsim tau kev ua thiab pauv li cas. Hoob no yuav siv tsev kawm ntawv phau ntawv, *Go Big Read, “Parkland: Birth of a Movement,”* txog qhov tua neeg nyob ntawm lub *Marjory Stoneman Douglas High School* hauv Parkland, Florida, tabsis yuav ncau mus tham txog cov piv txwv ua muaj kev puas ntsoog los kev tsis ncaj ncee los ntawm nomtswv, xws li cov kev kwv paib kom muaj kev ncaj ncee sib luag vim cev nqaij daim tawv.

Cov ceg qhia ntawv, nrog kev xyuas ntawm lawv cov *deans* chaw ua haujlwm, yuav xyuas saib lawv yuav qhia hoob twg rau lub caij ntuj tsaug no thiab saib cov hoob ntawd yuav nyob ib qho qhia, tuaj tim ntsej tim muag los ob qho. Cov tsev qhia ntawv, nrog rau kev muab tswv yim nrog lawv ceg ua haujlwm, yuav nrog txhua tus kws qhia ntawv uas muaj teeb meem rau lub caij los muaj mob uas yuav tau hloov tej yam xyuas lawv hoob.

### **Tsev thiab Chaw Noj Mov Nyob Kawm Ntawv**

Tsev kawm ntawv npaj yuav qhib tag nrho nws cov tsev nyob kawm ntawv rau lub caij ntuj tsaug, muaj kev ua raws kom muaj kev nyabxeeb siv cov chaw muaj neeg coob koom. Tab tom xyuas ntsuam saib yuav ua li cas txo kom muaj neeg tsawg thiab kom muaj chaw rau txhua tus uas xav siv ib qho chaw. Cov hoob feem ntau yuav muaj ob tug neeg nyob. Rau kom sib nrug tau deb, ib co hoob loj neeg siv yuav kho kom cov rooj tog sib nrug deb thiab tej qhov chaw yuav raug kaw.

Tag nrho cov mejiyig thiab neeg ua haujlwm hauv cov tsev nyob kawm ntawv yuav raug sim tas li saib puas muaj tus kab mob. Tsev kawm ntawv tab tom nrhiav saib puas muaj ib qho kev sim yooj yim thiab sai thiab tsis tau ntxig tus pas rwb mus nrws tob hauv qhov ntswg.

Rau txo kom muaj neeg tsawg nkag los thiab tawm ntawm cov tsev nyob mus lub caij ntuj tsaug no, tsev kawm ntawv tsuas pub cov neeg nyob hauv nkag tau xwb; tsis pub cov qhua tuaj. Tus cai no yuav siv rau tag nrho tsev kawm ntawv cov chaw noj mov uas yog *University Housing* khiav haujlwm, xws li *Gordon Dining & Event Center* thiab *Four Lakes Market* nyob hauv *Dejope Residence Hall*. Tsuas pub cov neeg nyob hauv Housing thiab ua haujlwm hauv Housing nkag tau xwb thiab yuav tsis qhib rau pej xeeb, rau cov mejiyig nyob tawm sab nraum tsev kawm ntawv los cov xibfwb thiab neeg ua haujlwm tsis yog ua num rau hauv Housing.

Txawm muaj noj zaub mov tau hauv University Housing cov chaw noj mov los, cov zaub mov yuav muaj ntim cia khaws nqa kiag ntau lawm xwb. Cov chaw noj mov yuav muaj chaw zaum, tabsis yuav sib nruug deb thiab kom muaj neeg tsawg.

### **Cov Qauv rau Ntawm Chaw Ua Haujlwm**

Rau lub caij ntuj sov, peb yuav maj mam rov qhib ntau thaj chaw hauv tsev kawm ntawv, xws li cov chaw tshawb fawb kawm (*labs*) nrog rau cov chaw ua haujlwm. Rau tiv thaiv cov neeg ua haujlwm, kev ua haujlwm hauv tsev kawm ntawv yuav khiav txawv yam tas.

Tag nrho cov neeg ua haujlwm yuav tau ua raws cov kev muaj saum no kom muaj kev noj qab haus huv. Lawv yuav tau npog qhov ncauj qhov ntswg hauv tsev ntawm tej thaj chaw muaj neeg coob. Cov koom ib qho chaw ua haujlwm yuav tau kho kom chaw ua haujlwm sib nruug deb. Txhua tus yuav tau ua raws kev ntxuav tes thiab ntsuam tus kheej xyuas cov cim mob.

Rau kom txo tau muaj neeg tsawg ntawm chaw ua haujlwm, cov pawg ua haujlwm yuav tau ntsuam xyuas qhov zoo tshaj rau tuaj kiag ntawm chaw ua num thiab nyob tim tsev ua haujlwm tuaj. Nyob rau tej qhov, xuabmoos tuaj rau hauv chaw ua haujlwm yuav tsis cuag ncuaj kom muaj neeg tsawg hauv chaw ua haujlwm rau ib lub caij. Rau tam sim no, cov neeg ua haujlwm tom tsev tuaj yuav tsum ua li ntawd mus ntxiv. Kev ua raws ntxiv txog rov tuaj ua haujlwm yuav qhia ntxiv rau tom ntej.

Tsev kawm ntawv yuav nrog cov neeg ua haujlwm uas yog kis tau tus kab mob yuav mob loj xyuas saib yuav ua tau li cas pab. Yog ua tau, tsev kawm ntawv yuav pauv kom cov neeg no ua tau haujlwm rau thaj chaw uas yuav kis tau tus kab mob tsawg.

### **Tseem yuav Muaj**

Yuav muaj kev qhia ntxiv txog kev khiav haujlwm rau lub caij ntuj tsaug yuav los no thaum peb npaj yuav pib lawm. Piv txwv, tsev kawm ntawv tseem tab tom ntsuam xyuas tej kev muaj rau cov mejyig koom, xws li Wisconsin Union, kev kuaj mob, cov mejyig cov koos haum, cov kev pab rau kev ua si thiab kis las.

Yuav muaj ntaub ntawv qhia ntxiv rau ib tsoom hauv tsev kawm ntawv thaum peb cov kev npaj tiav tas lawm. Qhov "[Smart Restart](#)" lub website kuj muaj qhia ntxiv tas li. Cov lus nug xa tau rau [askbucky@uwmad.wisc.edu](mailto:askbucky@uwmad.wisc.edu) los hu *Campus and Visitor Relations* rau 608-263-2400.

Rau kev qhia ntxiv txog tsev kawm ntawv ho tau ua li cas tswj tus kab mob *coronavirus*, thov mus saib hauv [the COVID-19 website](#).